



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶԻ ՆՈՅԵՄԲԵՐՅԱՆԻ ՀԱՄԱՅՆՔԱՊԵՏԱՐԱՆԻ ԱՇԽԱՏԱԿԱԶՄԻ ՔԱՐՏՈՒՂԱՐ

Ք Ա Ղ Վ Ա Ծ Ք

ՆՈՅԵՄԲԵՐՅԱՆ ՀԱՄԱՅՆՔԻ ԱՎԱԳԱՆՈՒ 29 ԱՊՐԻԼԻ 2025 թվականի
«ՀԱՄԱՅՆՔՆԵՐԻ ԿԱՅՈՒՆ ԶԱՐԳԱՅՄԱՆՆ ՈՒՂՂԱԾ ԵՎՐՈՊԱԿԱՆ ՄԻՈՒԹՅԱՆ
ԿՈՂՄԻՑ ԻՐԱԿԱՆԱՅՎՈՂ «ՔԱՂԱՔԱՊԵՏԵՐԻ ԴԱՇՆԱԳԻՐ ՀԱՆՈՒՆ ԿԼԻՄԱՅԻ ԵՎ
ԷՆԵՐԳԻԱՅԻ» ՆԱԽԱԶԵՌՆՈՒԹՅԱՆԸ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՏԱՎՈՒՇԻ ՄԱՐԶԻ ՆՈՅԵՄԲԵՐՅԱՆ ՀԱՄԱՅՆՔԻ ՄԻԱՆԱԼՈՒ ԱՌԱՋԱՐԿԻՆ
ՀԱՎԱՆՈՒԹՅՈՒՆ ՏԱԼՈՒ ՄԱՍԻՆ» ԹԻՎ 175-Ա ՈՐՈՇՈՒՄԻՑ (ՆԻՍՏ N 6)

Ղեկավարվելով «Տեղական ինքնակառավարման մասին» օրենքի 18-րդ հոդվածի 1-ին
մասի 42-րդ կետով, հիմք ընդունելով «Քաղաքապետերի դաշնագիր հանուն կլիմայի և
էներգիայի» նախաձեռնությանը (այսուհետ՝ նախաձեռնություն) միանալու մասին
հայտարարությունը և առաջնորդվելով Եվրոպական միության կողմից իրականացվող
նախաձեռնության դրույթներով՝

ՀԱՄԱՅՆՔԻ ԱՎԱԳԱՆԻՆ ՈՐՈՇՈՒՄ Է

1. Տալ հավանություն Հայաստանի Հանրապետության Տավուշի մարզի Նոյեմբերյան
համայնքի համայնքների կայուն զարգացմանն ուղղված Եվրոպական միության կողմից
իրականացվող «Քաղաքապետերի դաշնագիր հանուն կլիմայի և էներգիայի»
նախաձեռնությանը միանալու առաջարկին:
2. Հայաստանի Հանրապետության Տավուշի մարզի Նոյեմբերյան համայնքի ղեկավարին՝
 - 1) մինչև 2026 թվականը նշանակել Հայաստանի Հանրապետության
Տավուշի մարզի Նոյեմբերյան համայնքի կայուն էներգետիկ զարգացման
և կլիմայի պահպանության գործողությունների ծրագրի մշակման
պատասխանատու (այսուհետ՝ պատասխանատու)՝ էներգետիկ
կառավարիչ,

2) հանձնարարել պատասխանատուին՝ երկու տարվա ընթացքում Եվրոպական հանձնաժողովի «Քաղաքապետերի դաշնագիր՝ Արևելք» տարածաշրջանային ծրագրի և այլ գործընկերների աջակցությամբ, Դաշնագրի շրջանակներում մշակել Հայաստանի Հանրապետության Տավուշի մարզի Նոյեմբերյան համայնքի կայուն էներգետիկ զարգացման և կլիմայի պահպանության գործողությունների ծրագիրը, (Sustainable Energy and Climate Action Plan), ինչպես նաև համայնքի կլիմայի փոփոխության հանդեպ դիմակայունության բարձրացմանն ուղղված գործողությունները և միջոցառումները:

3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՄԱՅՆՔԻ ՂԵԿԱԿԱՐ՝ ԱՐՄԵՆ ԱՂԱԲԱԲՅԱՆ

**Իսկականի հետ ճիշտ է՝
ԱՇԽԱՏԱԿԱԶՄԻ ՔԱՐՏՈՒՂԱՐ՝ Ա. ԱՄԻՐԱՂՅԱՆ**

